

Nd.

999. Nefndarálit

um frv. til 1. um breyt. á 1. nr. 80 7. sept. 1942, um kosningar til Alþingis.

Frá allsherjarnefnd.

Frv. þetta gengur út á það að rýmka heimild til atkvæðagreiðslu utan kjörfunda og hefur verið vísað til allsherjarnefndar vegna þess sérstaklega, að fram hefur verið borin breytingartill. við frv., er gengur út á það að heimila atkvæðagreiðslu í sjúkrahúsum, og sé þá yfirlæknir kjörstjóri.

Nefndin hefur rætt og athugað frv. og þessa tillögu sérstaklega og er sammála um það, að æskilegt væri og eðlilegt, að þeir, sem lægju veikir í sjúkrahúsum, en væru þó andlega heilbrigðir, fengju að njóta atkvæðisréttar síns þar, en nefndin er jafnframt sammála um, að ef slikt væri lögfest, yrði einnig að setja ákvæði um heimild til atkvæðagreiðslu utan kjörfunda þeirra manna almennt, er gætu ekki sökum veikinda sótt kjörfundi, hvort sem þeir væru í sjúkrahúsum eða ekki, svipað og gert var með lögum nr. 50 1923, en slikum breytingum, sem sérstaklega yrði að vanda til, er hvorki tóm né tækifæri til að ganga frá, og þar sem vitað er, að nú er komið að þingslitum og allar breytingartillögur, sem ekki er fullt samkomulag um, gætu sett málid í hættu, en frv. sjálft er veruleg lagfæring frá gildandi löggjöf, þá vill nefndin ekki, með því að bera fram brtt. við það, eiga á hættu, að málid nái ekki fram að ganga á þessu Alþingi, og mælir því með, að frv. verði samþykkt óbreytt.

Einn nefndarm. (PB) skrifar undir nál. þetta með fyrirvara.

Alþingi, 27. apríl 1946.

Garðar Þorsteinsson,
form., frsm.

Stefán Jóh. Stefánsson,
fundaskr.

Gunnar Thoroddsen.

Jörundur Brynjólfsson. Pórður Benediktsson,
með fyrirvara.